



№ 04/02-77

“_25_” _სექტემბერი_ 2007

საქართველოს გარემოს დაცვისა და
ბუნებრივი რესურსების სამინისტროს
ლიცენზიებისა და ნებართვების დეპარტამენტის უფროსს
ბატონ გიორგი ცხაკაიას

ბატონო გიორგი,

შეგახსენებთ, რომ 2007 წლის 16 ივლისს მოგმართეთ წერილით (№ 04/02-72), რომელშიც
გთხოვდით, ჩავერთოთ ქვემოთ ჩამოთვლილ საქმიანობებზე სახელმწიფო ეკოლოგიური
დასკვნის და/ან გარემოზე ზემოქმედების ნებართვის გაცემის შესახებ ადმინისტრაციული
წარმოებაში.

- შპს “ინგო გრედი” – მინერალური ნედლეულის გამამდიდრებელი ფაბრიკა;
- შპს “ჯეოსთილი” – მეტალურგიული საწარმოს მოწყობა და ექსპლუატაცია;
- შპს “არომაგი” – მინერალური ნედლეულის – მანგანუმის მადნის გამამდიდრებელი საწარმო;
- შპს “ანგლო მესხეთი” – კახარეთის მცირე ჰიდროელექტროსადგური;
- შპს “ბურჯი” – ნავთობპროდუქტების საცავის ფუნქციონირება;
- ასოციაცია “ატუ” – ასფალტბეტონის ქარხანა;
- შპს “ენგო” – მცირე ჰიდროელექტროსადგურ მისაქციელზე დაგეგმილი სარეაბილიტაციო სამუშაოების ჩატარება;
- ინდ. მეწარმე “ზურაბ გოგრიჭიანი” – მინერალური ნედლეულის გადამუშავების – გაჯის საამქრო;
- ინდ. მეწარმე “ივანე გავაშელაშვილი” – მინერალური ნედლეულის გადამუშავების – გაჯის საამქრო.
- “სოკარ ჯორჯია პეტროლიუმის” მიერ თბილისში, ნავთლულის რაიონში, ქიზიყის ქუჩაზე ახალი ნავთობის ტერმინალის მშენებლობა.

ასევე შეგახსენებთ, რომ 2007 წლის 6 აგვისტოს მწვანე ალტერნატივამ წარმოგიდგინათ
შეიშენები შეზღუდული პასუხისმგებლობის საზოგადოება “ინგო გრედის” მინერალური
ნედლეულის გამამდიდრებელი ფაბრიკის გარემოზე ზემოქმედების შეფასების ანგარიშისა და
შეზღუდული პასუხისმგებლობის საზოგადოება “ჯეოსთილის” მეტალურგიული საწარმოს
გარემოზე ზემოქმედების შეფასების ანგარიშის თაობაზე.

გთხოვთ, “გარემოსდაცვით საკითხებთან დაკავშირებული ინფორმაციის ხელმისაწვდომობის,
გადაწყვეტილებების მიღების პროცესში საზოგადოების მონაწილეობისა და ამ სფეროში
მართლმსაჯულების საკითხებზე ხელმისაწვდომობის შესახებ” კონვენციის მე-6 მუხლის მე-9

პუნქტის მოთხოვნათა შესაბამისად, გვაცნობოთ, რამდენად იქნა გათვალისწინებული ჩვენს მიერ წარმოდგენილი შენიშვნები გადაწყვეტილების მიღების პროცესში; და მოგვაწოდოთ ყოველი კონკრეტული შენიშვნის (თუ ასეთი არსებობს) გათვალისწინებლობის დასაბუთებული მიზეზი.

ასევე ამ წერილით, საქართველოს მოგადი ადმინისტრაციული კოდექსის 95-ე მუხლის და “გარემოსდაცვით საკითხებთან დაკავშირებული ინფორმაციის ხელმისაწვდომობის, გადაწყვეტილებების მიღების პროცესში საზოგადოების მონაწილეობისა და ამ სფეროში მართლმსაჯულების საკითხებზე ხელმისაწვდომობის შესახებ” კონვენციის (ორჰუსის კონვენცია) მე-2 და მე-6 მუხლების მოთხოვნათა შესაბამისად, გთხოვთ, ჩაგვრთოთ არა მარტო ზემოთჩამოთვლილ საქმიანობებზე სახელმწიფო ეკოლოგიური დასკვნის და/ან გარემოზე ზემოქმედების ნებართვის გაცემის შესახებ ადმინისტრაციული წარმოებაში, არამედ მომავალში გარემოზე ზემოქმედების ნებართვის და/ან ეკოლოგიური ექსპერტიზის დასკვნის მისაღებად საქართველოს გარემოს დაცვისა და ბუნებრივი რესურსების სამინისტროში წარდგენილ ნებისმიერ განცხადებასთან დაკავშირებულ ადმინისტრაციულ წარმოებაში.

წინასწარ გიხდით მადლობას თანამშრომლობისთვის.
პატივისცემით,

ნინო გუჯარაიძე
აღმასრულებელი დირექტორი